

Herbæ acaules aut caulescentes, unisiliarius multifloræ. Folia sinuato-dentata. Flores flavi.

1. HYPOCHÆRIS SESSILIFLORA. †

H. acaulis; foliis linear-lanceolatis, grosse et remote dentatis, glabris; flore solitario, sessili; involucro glabro.

Crescit in alta convalli Quitensi, juxta montem ignivomum Pichincha, alt. 1500 hex. Floret Aprili.

HERBA perennis, acaulis. FOLIA cæspitosa, linear-lanceolata, apice angustata, grosse et remote dentata, dentibus erectis obtusis, basi integerrima angusta et subciliata, reticulato-venosa, membranacea, glabra, duos et dimidium pollices longa, tres aut quatuor lineas lata. FLOS solitarius, sessilis. INVOLUCRUM cylindraceo-oblongum, polyphyllum; foliolis circiter 50, imbricatis, oblongo-linearibus, obtusis, apice obsolete crenulatis, membranaceis, glabris, inferioribus angustioribus. RECEPTACULUM paleaceum; paleis linearibus, acuminato-aristatis, uninerviis, glabris, adjecta aristâ 9 lineas longis. FLOSCULI crebri, involucrum superantes, omnes ligulati. COROLLA flava, glabra; tubo filiformi, quatuor lineas longo; ligula linear-lanceolata, apice quinquedentata, quadrinervia, plana, longitudine tubi. ANTHÈRE exsertæ. OVARIUM lineare, glabrum. STYLUS exsertus, glaber. STIGMA bipartitum; laciniis revolutis, puberulis. AKENIUM lineari-cylindraceum, superne attenuatum lœviusculum, glabrum, fuscum, tres et dimidium lineas longum. PAPPUS sessilis; pilis plumosis, patulis, akenio longioribus.

2. HYPOCHÆRIS SONCHOIDES. † Tab. CCCI.

H. acaulis; foliis lanceolatis, acutis, in petiolum decurrentibus, superne dentatis, glabris; pedunculo solitario, unifloro, superne incrassato, bracteato; involucro glabro.

Crescit cum præcedente. ¶

HERBA perennis, acaulis. FOLIA cæspitosa, petiolata, lanceolata, acuta, basi in petiolum decurrentia, superne remote dentata, reticulato-venosa, membranacea, glabra, semipedalia. PEDUNCULUS radicalis solitarius, uniflorus, superne incrassatus, glaber, triplicaris, foliis brevior, superne instructus bracteis nonnullis linearibus. INVOLUCRUM semiglobosum, polyphyllum; foliolis imbricatis, membranaceis, glabris; exterioribus linear-oblongis, obtusis; interioribus longioribus, linearibus, apice angustatis. RECEPTACULUM planum, paleaceum; paleis (fig. 2.) linearibus, uninerviis, superne trifidis; laciniis subulato-aristatis, intermedia longissima, pappum æquante. FLOSCULI (fig. 1.) creberrimi, involucrum superantes, omnes ligulati. COROLLA flava, glabra; tubo filiformi, 7 aut 8 lineas longo; ligula lanceolato-linearis, apice quinquedentata, nervosa, plana, longitudine tubi. ANTHÈRE exsertæ. OVARIUM lineare, glabrum. STYLUS exsertus, glaber. STIGMatis laciniæ reflexæ. AKENIUM immaturum. PAPPUS sessilis; pilis (fig. 5.) plumosis, patulis.

APARGIA. SCOP. SCHREB.[†]

INVOLUCRUM polyphyllum, subimbricatum. RECEPTACULUM subnudum. PAPPUS plumosus, sessilis, flosculorum centralium substipitatus.

[†] Vide Gochnat de plantis cichoraceis. Argent. 1808. p. 13.



HYPOCHERIS sonchoides.

Fugit del. et donat?

De l'Imprimerie de Langlois.